



ՍԱՄՎԵԼ ԿԱՐԱՊԵՏՅԱՆ

ՎԱՆՔԱՇՆԵՐԸ ԵՎ ՀՈՒՇԱՐՁԱՆՆԵՐԸ

Հայ մշակույթի հուշարձաններով Բուն Աղվանք երկրամասում առանձնապես հարուստ է Շամախու Գարդման գավառի Վանք կամ Վանքաշեն գյուղը: Այն գտնվում է Կոնիստն (Գյոկչայ) գետի ձախ կողմում, բարձրադիր սարահարթի ծայրում, ձորագրյալին, զետափից շուրջ 5 կմ արևելք (այժմ Ադրբեջանական ԽՍՀ, Իսմայիլի շրջան): Գյուղի վերաբերյալ մատենագրական տեղեկություններ չեն պահպանվել: Վանքաշենը 1850-ական թվականներին, Ս. Զալալանցի աղետության ժամանակ, ուներ 60 տուն հայ բնակչություն¹: 1861 թվականին այն կապվել է 140 տուն², իսկ 1890 թվականի մարդահամարի տվյալներով Վանքաշենի բնակչությունը ավելացել էր մինչև 182 տուն (1015 մարդ)³:

Վանքաշենը հարուստ է պատմական հուշարձաններով: Գյուղի հին թաղամասում, որը տարածվում էր տեղանքի ամենաբարձր մասում, նկատվում են տեղագիր

հեղինակների կողմից հիշատակված Սբ. Հովհաննես եկեղեցու հիմքերը: Եկեղեցու վերաբերյալ ամենավաղ հիշատակությունը պատկանում է Ս. Զալալանցին, որը նշում է. «Ունին զսագաշեն եկեղեցի ի նոյն ձորափան ի վայելուչ վայրի»⁴: Դանիել արքեպիսկոպոսը նշում է, որ «Եկեղեցին կառուցված է կամարակապ, վանքաձև...»⁵: Համեմատաբար հանգամանորեն է նկարագրում եկեղեցին Մ. Բաթխուտադյանը. «...եկեղեցին Ս. Յովհաննես Մկրտիչ, կամարակապ 4 սեանց վերայ, որ կրում է հետևյալ արձանագրությունը. «Յիշատակ է Սուրբ Յովհաննես եկեղեցին Տեր Աբրահամին, որ է որդի Գրիգորին, թվ. ՌՄՀԵ. Ղաթալա»⁶: Նկարագրություններից ու միմազրից սրարվում է, որ եկեղեցին կառուցվել է 1826 թվականին և ունեցել է թաղածածկ եռանավ բաղնիքի հորինվածք:

Գյուղի հյուսիսային ծայրում տարածվում է գերեզմանոցը, ուր պահպանվել են 18—

¹ Ս. Զալալանց, Համապատկերության ի մեծն Հարստան, մասն Բ, Տիֆլիս 1858, էջ 389:

² Մ. Սմբատյան, Նկարագիր Սուրբ Ստեփանոսի վանքի Սաղիսի և միս վանքից և ուխտատեղանց ևս ևս թաղարան և գիւղերից որք ի Շամախույ թեմի, Տիֆլիս 1896, էջ 139:

³ Նշվ. աշխ., նույն տեղում:

⁴ Ս. Զալալանց, նշվ. աշխ., էջ 389:


⁵ Դանիել արքեպիսկոպոս, Այցելության եկեղեցուց զեւթովից վիճակին Հայոց Շամախույ, Արարատ 1870, էջ 320:

⁶ Մ. Բաթխուտադյան, Աղետնից երկիր և դրացիք, Թիֆլիս 1893, էջ 203:

20-րդ դարերի արձանագիր տապանաքարեր (ավելի հիները անարձանագիր են):

Գերեզմանոցում, որը մասամբ ծածկվել է մացառուտներով, պահպանվել է նաև մեկ խոյաձև տապանաքար: Վերջինիս գլխի մա-

ինչպես երևում է վիմագրի բովանդակությու-
նից, այն ունի տեղական բարբառային,
լեզվա-ոճական առանձնահատկություններ:
Բարբառախոսաբար տապանաքարը կորած է,
իսկ վիմագիրը ընթեմնելի է ամբողջությամբ:



Հին Վանքաշենի գերեզմանոցի խաչքարերը

ա) խաչքար 1491 թ., բ) խաչքար 1410 թ., գ) խաչքար 1403 թ., դ) խաչքար XIV—XV դ.

սը ջարդված է: Մ. Բարխուտարյանցը հնա-
վարից հրատարակել է միայն մեկ տապա-
նագիր՝ 1717 թվագրությամբ:

ԹՎԻՆ ՌՃԿԶ ԷՐ: ԱՅՍ Է ՏԱՊԱՆ ՄԵԼԻ-
ՍԻՆ ՈՐ Է ՈՐԴԻ ՄԵԼԻՔԵԱՆ, ԵՂԲԱՅՐ
ՕՀԱՆԻՆ, ՄՈՐՆ ՆՈՐԱ ՄԱՐԵԱՄԻՆ: ՄԱՀՆ
ՈՐ ԵԿԱԻ ՎԱՆՔՆ, ԵՍՐԱՆՔՍ ԿԱՊԱԾ, ՄԵ-
ՌԱՅ, ՈՐ ՔԱՀԱՆԱՅ, ՈՐ ԿԱՐԴԱՅ, ՀՈԳՈՅ
ԱՍԻ: ԼԱԿԶԻՆ, ՈՐ ՎԵՐ ԿԱՅԱԻ, ՔՈՌ Է-
ԼԱՐ:


Տեղում մեր կողմից կատարված վիմագրի
վերծանությունը հետևյալն է:

ԹՎ(Ի)Ն ՌՃԿԶ ԷՐ (1717): ԱՅՍ Է ՏԱ-
(ՊԱ)Ն ՄԵԼՍԻՍԻ, ՈՐ Է ՈՐԴԻ ՄԵԼՔԻՍԵՆ
ԵՂԲԱԻՐ ՕՀԱՆԻՆ, ՄՈՐՆ ՆՈՐԱՅ ՄԱՐ-
ԵԱՆՆԵ: ԱՀՆ ՈՐ ԵԿԱԻ ՎԱ(Ն)ՔՆ ԵՍ-
ՐԱՔՍ ԿԱՊԱԾ ՄԵՌԱՅ, ՈՐ ՔԱՅԱՆԱՅ ՈՐ
ԿԱՐԴԱՅ ՀՈԳՈՅ ԱՍԻ:

Մյուս երեաին:

⁷ Նշվ. աշխ., էջ 206:

ԼԱԿՁԻՆ, ՈՐ ՎԵՐ ԿԱՅԱԻ ՔՈՌ ԵԼԱԻ:
Սրան մոտ մեկ այլ տապանաքարի վրա
մի կերպ կարդացվում է.
...ՏԱՊԱՆ ՅԱՐՈՒԹԻ, ՈՐ Է ՈՐԴԻ Տ-
... (ՈՂՈՐՄԻ) ԱՍԻ, ԹՎ (Ի)Ն ՌՃԿԷ
(1718):



Խաչքար հին Վանքաշենի գերեզմանոցից

Երկու տապանաքարերում էլ տառերը փորագրված են խոշոր-խոշոր և խորը ձևով: Գերեզմանոցում մեծ թիվ են կապվում 19-րդ դարի տապանաքարերը, որոնք մեծ արժեք են ներկայացնում գյուղի ուշ շրջանի պատմության ամբողջական ուսումնասիրության առումով: Դրանցում թերևս ուշագրավ են երկու բարձրաստիճան պինդորականների տապանագրերը, որոնք ներկայացնում ենք ստորև: Առաջինը ունի ութ տող արձանագրություն, իսկ տապանաքարը խիստ մեծ չափեր:

ԱՅՍ Է ՏԱՄԲԱՐԱՆ ՊԵՏՐՈՍ ԻՇԽԱՆԻՆ
ՔԱԶԱՐԱՆ ՈՐԴՈՒՅ ԻԺԲԱՇԵԱՆ ՏՈՀՄԻՆ
ՈԳԵԼԻՅ ՋԱԽԿ ՄԱՅՐ ՀԱՅԱՍՏԱՆԻՆ
ՊԱՍԿԵԱԼ ՅԱՐՔԱՅԵՆ ԱՍՊԵՏԻ ԽԱԶԻՆ,
ՈՐՈՅ ՔԱԶ ԱՆՈՒՄՆ ՅԻՇԱՍԱԿ ԲԱՐԻՆ
Ի ՍԵՐՏՍ ՀԱՅԱՋԱՆԱՅ ԱՆՄՈՌԱՅ ՊԱՀԻՆ,
Վ(Ա)ԽՃԱՆԵԱԼ ԾԵՐՈՒՆԱԶԱՐԴ ՀԱՍԱ-
ԿԻՆ
Ի 13 ՍԵՊՏԵՄԲԵՐԻ 1859 ԹՈՒԱԿԱՆԻՆ:

Մյուսի վրա երեք տող:

ԱՅՍ Է ՏԱՊԱՆ ԿԱԽԱԼԵՐ ՌՈՒՍԱՄԻՆ
ՄԻՆ, ՈՐ ԷՐ ՈՐԴԻ ՊԵՏՐՈՍԻՆ ԱՌԱ-
ՔԵԼԵԱՆՅ. ՎԱՅՃ. 1860 ԱՄԻ:

Գյուղի հյուսիս-արևմտյան կողմում պահպանվել են հին գյուղատեղի, ավերակ եկեղեցի և գերեզմանոց: Սրանք հայտնի են «Ավերակ վանք» անվամբ: Հնավայրի մասին Ս. Ջալալյանցը հաղորդում է. «Ի ստորև գեղջա լեզր գետոյ ի մացառուտ անտառի է աւերակ մեծի Վանաց, ըստ աւանդութեանց գեղի միաբանից և առաջնորդի այնր վիճակի, իսկ այժմ բեկորք հիմանց հապիւ երևին: Ըստ պատմելոյ բնակչաց գիւղս այս էր մեպհական կայուած նոյն վանից, ուստի և կոչի Վանքի շեն»⁵:

Ընդարձակ գերեզմանոցում դեռևս պահպանվում են քաղվածքով խաչքարեր ու տապանաքարեր (թվագրված 14—16 դդ.), այդ թվում նաև արձանագիրները: Ցայսօր հնավայրը չի ենթարկվել մասնագիտական լուրջ ուսումնասիրության: Տեղագիր հեղինակներից էլ միայն Մ. Բարխուտարյանցն է, որն անձամբ եղել է գերեզմանոցում և արտագրել թվով վեց տապանագիր: Մեր այցելության ընթացքում գերեզմանոցում գտանք յոթ արձանագիր խաչքարեր, որոնցից երկուսի վիմագրերը անցյալում հրատարակել է Մ. Բարխուտարյանցը, բայց որոշ տարբերություններով: Հաջվի առնելով վիմագրերում հիշատակված որոշ անձանք անձանունների առկայությունը, հարկ համարեցինք նախ անվտիոյն վերահրատարակել Բարխուտարյանցի ընդօրինակածները և հետո մեր: Կարծում ենք, որ դրանց համադրմամբ կարելի կլինի պատկերացում կապել վիմագրերի լեզվա-ոճական, ազգագրական առանձնահատկությունների վերաբերյալ:

1. ԹՎԱԿԱՆ Ծ. (փրկչ. 601):
2. ԱՍՏՈՒԱԾ ՈՂՈՐՄԻ ԱՅ ՔԱՄԱԼ:
3. ԸՍՊԵՆԴԻԱՐ ՄԼՔԻԱՐ (կալվածաւտեր), ՎԱԹԱՆԴ ԸՐ (էր) ԿԱՐՄՐԱԳԵԼ, ՄԱԶԱՐԱՅ ՈՐԴԻ, ԱԾ ՈՂՈՐՄԻ...:
4. ԹՎ. Կ:
5. ԵՍ ԳԻԳՐ ՈՒԼՈՒԲԵԿԱՅ ԿԱՆԳՆԵՅԱՔ ՋԽԱԶՍ ԳԻԳԵՐԻ, ԱԾ ՈՂՈՐՄԻ ԹՎ. ՉՃԽԸ. ԷՐ:
6. ԹՎ. ՊԾԲ⁶:

⁵ Ս. Ջալալյանց, նշվ. աշխ., նույն տեղում:

⁶ Բոլոր վեց վիմագրերն էլ տես՝ Մ. Բարխուտարյանց, նշվ. աշխ., էջ 204:

Ներկայումս գերեզմանոցում պահպանվել են հետևյալ վիճակները:

1. Ա (ՍՏՈՒԱ) Ծ ՈՂՈՐ (Մ) Ի ԵՐԴԱՅԶԵՐԻ: Ի: Թ: Վ. Զ. Զ. Ծ. Թ. (1410): (խաչքարի չափերն են 70 սմ բարձր., 65 սմ լայն.):
2. Ի ԹՎ ԶԽ (1491) Ա (ՍՏՈՒԱ) Ծ ՈՂՈՐՄԱԾ ՈՂՈՐՄԱ Ե... ԻՆ: (չափերն են 112 սմ բարձր., 73 սմ լայն.):
3. ԹՎ ՊԺԵ (1366): Չափերն են 39 սմ բարձր. (մասամբ խրված է հողի մեջ) 52 սմ լայն.:
4. (Շ (ԱՔ) Ա) Ր, ԸՍՏԻ Ի ԹՃԱՇԽՅ (անհասկանալի—Ս. Կ.), Ա (ՍՏՈՒԱ) Ծ ՈՒ ՇԱՔԱՐԻՆ, ԲԱՆԴԻՉԱՅ ՆՈՐԱՅ ՔԱՄ: Չափերն են 80 սմ բարձր., 72 սմ լայն.,
5. ԱՅ... ԼԱ... ԻՍ: Չափերն են 140 սմ բարձր., 63 սմ լայն., (նկ. 3):
6. ԵՍ ԳԻԳՈՉ ՈՒ ԲԵՎԱՅ ԿԱ (Ն) ԳՆԵՑԱՔ ԶԽԱՉՍ ԳԻԳԵՐԻ. ԹՎ (Ի) Ս ԶՃԽԸ ԵՐ (1399), ՈՂՈՐՄԻ Ա (ՍՏՈՒԱ) Ծ: Չափերն են 103 սմ բարձր., 77 սմ լայն.:
7. Ի ԹՎ (ԻՆ) ՊԾԲ (1403): Չափերն են 70 սմ բարձր., 60 սմ լայն., (նկ. 2, գ):
8. ԹՎ (ԻՆ) ԶՂԵ (1546):

Ոճական ու գեղարվեստական առումով գերեզմանատանը պահպանված խաչքարերը ինքնատիպ են որպես խոսք խաչքարային արվեստում: Դրանցում հորինվածքային հատկանշական առանձնահատկություններն են՝ ա. հիմնականում խաչքարերի վերնամասն ավարտվում է վրանաձև (երկթեք), բ. հորինվածքի կենտրոնում քանդակված հիմնախաչը մեծ մասամբ հավասարաթև է ու ներկայացնում շրջանագծի մեջ:

Հին կամ ավերակ Վանքաշենի գերեզմանոցից բացի, գյուղի տարածքում կան նաև այլ գերեզմանոցներ, ինչպես Դպր-դարա (կարմիր քերծ)՝ գյուղից հարավ-արևմուտք, Շաքուի (Շաքույու)՝ գյուղից հյուսիս և այլն: Վերջին հնավայրից Մ. Բարխուտարյանցն արտագրել է երեք տապանագիր, որոնք ևս վերահրատարակում ենք անփոփոխ¹⁰:

1. ԱՅՍ Է ՀԱՆԳԻՍՏ ՊԸՈՆՆԴԻՈՒՆԻՆ, ՓՈՆԵՑԱԻ Ի ՔՍ Ի ԹՎ. ՊԾԵ (1408):
2. ԱՅՍ Է ՀԱՆԳԻՍՏ ԱԼԱՀԴԱՍԻՆ ԹՎ. ԶԽԲ (1493):
3. ԱՅՍ Է ՀԱՆԳԻՍՏ ԽՈՆԴԵԱՅԻՆ Ի ԹՎ. ՊԾԸ (1409):

Մեր այցելության ժամանակ տեղում գտանք միայն երկու արձանագիր տապանաքարեր, որոնցից մեկը (№ 3) անսխալ ընթերցել ու հրատարակել էր Մ. Բարխուտարյանցը, իսկ մյուսը հրատարակում ենք առաջին անգամ:

Ա (ՍՏՈՒԱ) Ծ ՈՂՈՐՄԻ ԱՍԻ ..ՇԻՆ:

Վանքաշեն գյուղի շրջակայքում կան նաև այլ պատմական հուշարձաններ, ինչպես՝ «Նահատակ»¹¹ կոչված սրբատեղն ու հին քարաքառեր. «...Ջիւանջիդապատ՝ Վանքաշեն և Ամրվան գիւղերի հանդէպ Գեօքչայ գետի եզերքումն՝ լեռների ստորոտի տաղիաբակումն Ջիւանջիդ իշխանի հիմնածն»¹²: Վերջիններս կարոտ են ռստմանափրկության¹³:

¹⁰ Նշվ. աշխ., էջ 205:

¹¹ Մ. Սմբատեանց, նշվ. աշխ., էջ 185:

¹² Նշվ. աշխ., էջ 194:

¹³ Տեղում կատարած աշխատանքներին մեզ ցույց տրված օգնության համար շնորհակալություն ենք հայտնում Վանք գյուղի բնակիչներ հայր ու որդի Աշոտ և Իշխան Հակոբյաններին:

